

赤水玄珠氣門第九卷目錄

氣

九氣見症

血

嘔吐血

咳血

咯血唾血痰涎血

鼻血舌衄

齒衄

肌衄

小便血

下血

九竅出血

中蠱下血

金瘡出血

赤水玄珠第九卷

新安生生子孫一奎著輯

氣門

內經曰百病皆生于氣氣一也因所觸而爲九怒喜悲恐
寒熱驚思勞也故怒則氣上喜則氣緩悲則氣消恐則氣
下寒則氣收炆則氣泄驚則氣亂思則氣結勞則氣耗

九氣見症

怒氣所至爲嘔血爲殮泄爲煎厥爲薄厥爲陽厥爲胃滿
脇痛食則氣逆而不下爲喘渴煩心爲消痺爲肥氣爲目
暴盲耳暴閉筋縱發於外爲腫

喜氣所至爲笑不休爲毛革焦爲肉病爲陽氣所收甚則

為狂

悲氣所至為陰縮為筋攣為肌痺為脉痿男為數洩血女為血崩為酸鼻辛頰為目昏為少氣不能報息為泣則腎恐氣所至為破胭脫肉為骨痿痿厥為暴下綠水為面熱膚急為陰痿為懼而脫頤

驚氣所至為潮涎為目眵為口吐為痴癇為不省人事為

僵仆久則為癘痺癘音裙痺也

勞氣所至為噎病為喘促為嗽血為腰痛骨痿為肺鳴為高骨壞為陰痿為唾血為冥視為耳閉男為少精女為不月

思氣所至為不眠為嗜卧為昏目為中痞二焦閉塞為明

噓不利爲痺疽嘔苦爲筋痿爲白淫爲不嗜食
寒氣所至爲上下所出水液澄徹清冷

炁氣所至爲喘嘔吐酸暴注下迫

凡此九氣內經以五行相勝之理治之故悲可以治怒
以愴惻苦楚之言感之喜可以治悲以譴浪褻狎之言
娛之恐可以治喜以遽迫死亡之言怖之怒可以治思
以污辱欺罔之言觸之思可以治恐以慮彼忘此之言
奪之五者之外炁可以治寒寒可以治炁逸可以治勞
習可以治驚要在審証察脉而施治之不可執一也
脉沉實者宜下絃急者宜溫虛細微弱者宜補痛在上者
宜散痛在下者宜利氣虛者宜鎮墜氣結者宜踈順

夫治氣之法惟在適中氣積於中固宜踈順踈導過劑則又反耗元氣元氣走泄則下虛中滿之証生焉故曰踈啟於中峻補於下中滿既除下虛斯實此之謂也

治有餘之症脉沉實而中滿大便秘按之疼則宜下法當用大黃然亦須入桂皮以辛溫和其氣以苦寒泄其實氣得泄越痛亦隨愈

凡用利藥其法有三駛利則用大黃芒硝溫利則用硫黃乳粉瀉積則用巴豆礪砂他如磨積化結聚則以三稜蓬朮爲先導引閉塞則以木香檳榔先使溫散凝滯則以姜桂爲主踈順暴戾則以蘇橘爲宜補虛益氣則以人參白朮爲君墜下輔陽者以黑錫養正爲鎮

生生子曰治氣之劑東垣有法可準如枳壳利肺氣多服
損胸中至高之氣青皮瀉肝氣多服損真氣木香行中
下焦氣香附快滯氣陳皮泄逆氣紫蘇散表氣厚朴瀉
胃氣檳榔瀉至高之氣藿香馨香上行胃氣沉香升降
真氣腦麝散真氣若此之類氣實所宜設認冷生氣而
槩以燥熱投之是以火濟火病日益甚丹溪曰氣有餘
卽是火乃戒好用溫熱治氣者之悞也

原病式曰氣爲陽而主輕微諸所動亂勞傷乃爲陽火之
化子和河間治喜怒哀恐思之証皆以平心火爲主至
於勞者傷於動動便屬陽驚者駭於心心便屬火故治
皆以平心火爲主深中病情又曰五志過極皆爲火也

若用香辛散氣燥熱傷氣真氣耗散濁氣上騰猶曰腎
虛弗能攝氣歸原遂用降氣鎮墜之劑不悟肺受火炎
子氣亦弱降令不行火無所制丹溪有曰上升之氣自
肝而出中挾相火其熱爲甚自覺其冷非真冷也火極
似水積熱之甚陽亢陰微故有此症認假作真似是之
禍可勝言哉又曰氣無補法俗論也痞悶壅塞似難於
補不思正氣虛者由七情勞傷所至脾土受傷轉輸失
職胃雖受穀不能運化故陽升陰降而成天地不交之
否清濁相混若不補養邪何由行

脉法

下手脉沉便知是氣極沉則伏濡弱難愈其或沉滑氣

兼痰飲滑者血多少氣濇者少血多氣大者氣血俱多
脉來大而堅者血氣俱實小者血氣俱少

七氣湯 治七情之氣鬱結心腹絞痛

人參

炙甘草

肉桂

各一錢五分

半夏

一錢

姜三片水煎服

指迷七氣湯 治同上

香附

二錢

青皮

陳皮

桔梗

蓬朮

官桂

益智仁

藿香

半夏

甘草

炙

各等分姜三片棗二枚水煎服

縮砂香附湯

調中快氣治心腹刺痛

香附

炒十兩

烏藥

五兩

炙甘草

二兩

砂仁

二兩

右爲末每服一錢紫蘇葉三片鹽少許沸湯調下

大便秘陳皮湯下 一方去烏藥加沉香五錢

大七氣湯 治喜怒不節致臟氣不平心腹脹滿

半夏 茯苓 各四錢 厚朴 三錢 紫蘇 二錢 加姜水煎服

木香流氣飲 諸氣痞塞不通胸膈膨脹面目虛浮四肢

腫滿 半夏 厚朴 青皮 紫蘇 香附 甘草 各

錢 陳皮 二錢 桂 莪朮 丁皮 大腹皮 麥門冬

檳榔 木香 草果 各六分 木通 八分 藿香 白芷 四分

茯苓 白朮 木瓜 人參 石菖蒲

加姜棗水煎服

秘傳降氣湯 上盛下衰氣不升降頭目昏眩痰實嘔逆

胸膈不快怒則氣上驚則氣亂尤宜

骨碎補 訶子 草果 五加皮 半夏各五分 桔梗五分

桑白皮 地骨皮 枳壳 陳皮 甘草各一錢 水煎服

升陽順氣湯 七情所傷及勞役飲食不節滿悶短氣恐

則氣下者尤宜

升麻 紫胡 陳皮各一錢五分 半夏 人參各三錢 黃芪四錢

甘草 黃栢各五分 川歸一錢 神曲炒五分 草荳仁二錢

每服五六錢姜三片水煎服

蘇子降氣湯 治中脘不快心腹脹滿噎塞喘促咳嗽痰

涎宿食留飲脇下支結及脚氣冲心 方在痰飲門

分心氣飲 憂思留滯致使心胸痞悶脇肋脹滿噎氣吞

酸頭目昏眩日漸瘦弱或大腸虛秘

紫蘇莖葉四兩 姜活 半夏 肉桂 青皮 陳皮 桑白

皮 大腹皮 木通 芍藥 炙甘草 赤茯苓各一兩

每服五六錢姜三片棗二枚燈心十根水煎服

四磨湯 治七情傷感上氣喘息妨悶不食

方在喘門

推氣丸 治三焦痞塞大便澁小便赤黃 方在脹滿門

神保丸 治諸氣刺痛流入背脊及脇下諸藥不效者

方在脹滿門

檳榔木香丸 踈導三焦破痰飲快氣消食

木香 檳榔 枳壳 杏仁去皮麩炒 青皮各一兩 半夏曲

皂角

去白酥炙

郁李仁

去皮各二兩

各為末以皂角四兩用漿水一碗搓揉成膏更入

熟蜜少許和丸如梧桐子大每服五十九姜湯送下

九氣丸

治九氣膈氣風氣寒氣熱氣憂氣喜氣驚氣怒

氣瘴氣積氣聚堅牢如杯心腹疼痛時作時止

姜黃

甘草

香附

為末每服一錢入鹽少許百沸湯點空心服立効

賺氣散 治胸膈痞悶腹脇虛脹氣不宣通及傷寒兩脇

刺痛攻心

三稜

蓬朮

煨各五錢

白朮

三錢

枳壳

一錢

木香

五分

每服二錢加姜三片水一鍾半煎八分食前服用砂

糖少許壓下

分氣紫蘇飲 治心下脹滿脇疼氣塞嘔逆不止方在門喘

勻氣散 胸膈脹滿宿冷不消心腹刺嘔吐

丁香 檀香 木香 白荳仁 各一兩 藿香 甘草 炙各八兩

砂仁 四兩

為末每服二錢入鹽一字沸湯調服

復元通氣散 氣不宣通流利並閃挫腰脇氣痛 木香兩半

茴香 炒 川山甲 蛤粉炒 延胡索 炒 白丑 炒 陳皮 甘草各兩

為末每服二錢熱酒調服 一方加乳香沒藥

清膈丸 因濕熱氣滯

黃芩 黃連 炒各五錢 香附 一兩半 蒼朮 二兩

爲末取黃熟瓜蔓去皮搗爛和九棗豈大每服十九

桔梗枳壳湯 諸氣痞結滿悶

桔梗 枳壳 各四錢 甘草 炙一錢二分 生姜五片水煎服

升降六一湯

香附 六兩炒 藿香 一兩 爲末每服二錢白湯下

二聖散 諸氣痛

芫花 醋煮乾五錢 延胡索 炒一兩五錢 二味爲細末每服一錢

男子元臟氣痛葱酒調下 婦人血氣痛川歸酒下

小腸氣痛茴香湯下 諸氣痛薄荷湯下

勝金散 治男婦一切冷氣

烏藥 酒浸微炒 茴香 炒 青皮 去白 良姜 等分

右為末每服二錢空心溫酒調下

婦人用姜煎童便調服

半夏湯 治上氣嘔吐不能下食

半夏 三錢 陳皮 白朮 甘草 炙 桂心 各五錢 人參 一兩

厚朴 二兩 每服五錢姜五片棗三枚水煎服

手拈散 一切氣痛

草果 延胡索 乳香 沒藥 五靈脂 酒拌炒

等分為末每服二錢好酒調下 一方加良姜

一人病氣上冲口中出如烟霧耳內常鳴此衝脉逆上與

八物湯加炒黃連 二分 黃柏 三分 數劑而愈

蘇合香丸 和劑方 專能順氣化痰并治傳尸骨蒸癆瘵卒暴

心痛鬼魅瘴瘧赤白下痢小兒驚搐等症

沉香 研 射香 研

丁香

青木香

訶梨勒

煨用皮

安息香

另為未用無灰酒一升熬膏

香附子

炒去毛

藁撥

白朮

白檀香

硃砂

研飛

烏犀角

各一兩

薰陸香

另研

龍腦

研

蘇合油

入安息香膏內

右末研勻用安息膏并密丸梧子大空心溫水化下

四九酒亦可

木根... 安... 密... 空... 水... 下...

... 谷... 香... 脂... 脂... 脂...

... 香... 白... 時...

... 香... 時...

... 香... 時...

... 香... 時...

諸見血症總論

內經曰陽明厥逆喘咳身熱善驚衄吐血又曰大怒則形氣絕而血菀於上又曰脾移熱於肝則爲驚衄胞移熱於膀胱則癰而尿血又曰結陰者便血一升再結二升三結三升夫血者生化於脾總統於心藏受於肝宣布於肝施泄於腎灌溉一身陰氣一傷變生多病妄行於上則吐衄衰涸於中則虛勞忘反於下則便紅移熱膀胱則癰閉溺血滲透腸間則爲腸風陰虛陽搏則爲崩中濕蒸熱淤則爲滯下熱極腐化則爲臟血火極似水血多紫黑熱勝於陰則爲瘡瘍濕滯於血則爲痛痒隱疹皮膚則爲冷痺畜之在上則爲喜忘畜之在下則人

喜狂墮恐跌仆則淤血內凝又細分之則咳血衄血出於肺嘔吐出於胃痰涎血出於脾咯血唾血出於腎便血清者屬營虛有熱濁者屬熱與濕色鮮者屬火黑者火極血與泄物並下者屬有積或絡脉傷也尿血因房勞過度陰虛火動以致營血妄行而或者又以此爲得之虛寒當以脉別有嘔吐紫凝血者原病式云此非冷凝由熱甚銷爍以爲調濁而熱甚則水化制之故赤兼黑而紫也又有汗血者由夫大喜傷心喜則氣散血隨氣行故也又下血先見血後見便爲近血自大腸來先有便後見血此遠血自小腸來腸胃中本無血良由氣虛腸薄故血滲入而從下出也東垣曰除傷寒家衄血

外雜病見血多責其熱旨哉言乎大凡血上行爲逆其
治難下行爲順其治易若血上行或睡或嘔或吐忽變
而下行爲惡痢者吉兆也丹溪曰口鼻出血皆是陽盛
陰衰有升無降血隨氣上越出上竅法當補陰抑陽氣
降則血歸經矣

素問曰有病胸脇支滿者妨於食病至則先聞腥臊臭出
清液先唾血四肢清目眩時時前後血病名爲何何以
得之岐伯曰病名血枯此得之年少時有所大脫血若
醉入房中氣竭肝傷故月事衰少不來也帝曰治之柰
何復以何術岐伯曰以四烏鯁骨一蘆茹二物并合之
丸以雀卵大如小荳以五丸爲後飯飲以鮑魚汁利腸

中及傷肝也

王海藏云胸中聚集之殘火復裏積久之太陰上下隔絕
脉絡部分陰陽不通用苦熱以定於中使辛熱以行於
分升以甘溫降以辛潤化嚴肅爲春溫變凜冽爲和氣
汗而愈也然餘毒土苴猶有存者周身陽和尙未泰然
胸中微躁而思涼飲因食冷物服涼劑陽氣復消餘陰
再作脉退而小絃細而遲激而爲衄血唾血者有之心
肺受邪也下而爲便血溺血者有之腎肝受邪也三焦
出血色紫不鮮此重沓寒濕化毒凝泣水穀道路浸積
而成若見血証不詳本源使用涼拆變乃生矣

陽証溢
出鮮血

陰証下
如豚肝

上而血者黃芪桂枝湯 白芍當歸湯

中而血者當歸建中湯 增損胃中湯

下而血者芎歸朮附湯 桂附六合湯

若三血証在行陽二十五度見黃芪四君子主之
若三血証在行陰二十五度見當歸四逆加吳茱
萸主之

生生子曰按海藏此論雖爲傷寒而發實戒用藥者要認
血來本原不可妄治以致變亂夫治血當明血出何經
時細多宗丹溪有曰吐血衄血多是火載血上錯經妄
行越出上竅此論固是猶有未盡乃所以啟後人過用
寒涼之惑也夫火者無形之氣也非水可比安能稱載

蓋血隨氣行氣和則血循經氣逆則血亂氣有餘卽是
火也實由氣逆而血妄行兼於火化因此爲甚經曰怒
則氣逆甚則嘔血暴瘵內逆肝肺相搏血溢鼻口是也
又東垣曰血妄行上出於鼻口者皆氣逆也况血得寒
則凝得熱則行見黑則止迹此觀之治血若不兼之調
氣而純以寒涼是施則血不歸經而且爲寒涼所凝滯
雖暫止而復來也且脾統諸血寒涼傷脾脾虛尤不能
約束諸血其變証可勝言哉

素問示從容論曰夫傷肺者脾氣不守胃氣不清經氣不
爲使真臟壞決經脉傍絕五臟漏泄不衄則嘔

綱目云傷肺卽傷氣也當於氣虛不能攝血條泰治

戴元禮云吐血者榮氣溢入濁道留聚膈間滿則吐血名曰內衄宜蘇子降氣湯加人參阿膠 飲酒太過傷胃吐血用理中湯加青皮梔子乾葛川芎 勞太過吐血不止蘇子降氣湯加人參芍藥 打損吐血黑神散童便調服 有時或吐血兩口隨即無事過數日又發經年累月不愈者宜黑神散吐血發渴名爲血渴也或四物湯十全大補湯量胃氣虛實用之

統旨云吐血先哲皆以爲熱其因於寒者理亦有之何則寒邪屬陰人之榮血亦屬陰古人云風傷衛寒傷榮各從其類人果身受寒邪口受寒物邪入血分血得冷而凝則被寒矣在上則從口而出在下則從便而出若此

者實病機之所有焉得爲盡無也但其血色之黑與吐血因熱極而反兼水化者相似茲則宜於脈証間求之脈微遲而身又清涼者寒也脈洪數而身又煩熱者熱也寒則溫之熱則清之治法大不同矣

嘔吐血

生生子曰吐血成碗吐出者甚至有出而成盆者丹溪云多是陽盛陰虛故血不得下行因火炎上之熱而上出脈必大而芤大者發熱芤者血滯與失血也

又曰有氣虛中塞陰陽不相守血乃妄行而吐出者經所謂陽虛陰必走者是也當用四物理中湯加乾姜甘草煎服中溫則血自歸經矣切不可投苦寒之劑

丹溪云山梔子最能清胃皖之血 先吐紅後見痰嗽多是陰虛火動痰不下降四物湯加痰藥火藥 先痰嗽後見紅多是痰積熱降痰火爲急 痰嗽涎帶血出此是胃口清血熱蒸而出重者梔子輕者藍實或暴吐紫血一碗者無事吐出爲好此熱傷血死於中用四物湯鮮毒湯之類 吐血挾痰積吐一二碗者亦只補陰降火四物湯加火劑之類 挾痰若用血藥則泥而不行只治火自止吐血乃少病也 大吐血不止以乾姜炮黑爲末童便調從治 喉皖痰血荆芥散妙 又云嘔吐血出於胃也實者犀角地黃湯主之虛者小建中湯加黃連主之

千金方云吐血有三種有內衄有肺疽有傷胃 內衄者

出血如鼻衄不從鼻孔出是近在心肺間津液出還流

入胃中或如豈羹汁或如切齧血凝停胃中因卽滿悶

便吐或出數斗至一石者是也得之於勞倦飲食過常

也按韻書齧音肺疽者或飲酒後熱毒滿悶吐之時血

從吐後出或一合半合半升一升是也 傷胃者因飲

食大飽之後胃中冷不能消化便煩悶強嘔吐使所食

之物與氣共上衝蹙因傷裂胃今吐血色鮮正赤腹亦

絞痛自汗出其脉緊而數者爲難治也

劉宗厚曰凡治血必血屬之藥欲求血屬之藥其四物之

謂乎河間謂隨証輔佐謂之六合湯者詳言之矣余故

陳其氣味專司之要不可不察夫川芎血中氣藥也通
肝經性味辛散能行血滯於氣也地黃血中血藥也通
腎經性味甘寒能補真陰之虛也當歸分三治血中主
藥也通肝經性辛溫全用能活血各歸其經也芍藥陰
分藥也通脾經味酸寒能涼血治血虛腹痛也若求陰
藥之屬必於此而取則焉脾胃論有云若善治者隨經
損益摘其一二味之所宜爲主治可也此特論治血病
而求血藥之屬者也若氣虛血弱又當從仲景血虛以
人參補之陽旺則生陰血也若四物湯者獨能主血分
受傷爲氣不虛也輔佐之屬若桃仁紅花蘇木血竭丹
皮者血滯所宜蒲黃阿膠地榆百草霜棕櫚灰者血崩

所宜乳香沒藥五靈脂凌霄花者血痛所宜菝容瑣陽
牛膝枸杞子益母草夏枯草敗龜板者血虛所宜乳酪
血液之物血燥所宜乾姜桂者血寒所宜生地苦參血
熱所宜特取其証治大畧耳若能觸類而長可謂應無
窮之變矣

脉訣舉要曰諸症失血皆見乳脉隨其上下以驗所出大
凡失血脉貴沉細設見浮大後必難治

治火之劑

大薊散 治辛熱傷肺嘔吐血或一碗或半升名曰肺疽

大薊根 犀角屑 升麻 桑白皮 蒲黃

杏仁 去皮 桔梗 各二錢 甘草 炙五分

右分作二服每服姜三片水煎服

四生丸 治吐衄血熱妄行

生荷葉 生艾葉 側柏葉 生地黄 各等分 搗爛為丸

如雞子大每服一九用水二鍾煎至一中去渣服

犀角地黄湯 治血積胸中吐血衄血

犀角 鎊 赤芍藥 牡丹皮 生地 各一錢

水煎服 此方若有痰者及氣逆不降者服之皆不効予每用加枳殼棗仁滑石効

茜根湯 治吐血咯血嘔血等症

四物湯加童便浸香附 一錢五分 茜草根 二錢半 忌鐵

水煎服二三服立愈

治吐血

大黃末

錢一 生地黄汁合

水半鍾煎四五沸服即愈

又方

好墨

煨去膠氣

為細末每服二錢

以白湯化阿膠清調服

治吐血暴甚昏運不止

人參兩一

為末用雞子清調如稀

糊以匙挑服服盡効五更服之尤妙

治吐血

生地黄

五斤 生密二斤

共以瓦器盛貯鍋內重湯煮柴

文武火熬三日夜取出入人參末

四兩 茯苓末

六兩 攪勻

不拘時服此即瓊玉膏也

又方加入青蒿汁熬膏再加檳榔末一兩以降其氣使

下行也

奇方

治飲酒過多蘊熱胸膈以致吐血衄血

葛花 二兩
黃連 四兩

右爲末以大黃末熬膏爲丸如梧桐子大每服百丸
溫湯下或煎服亦可

辰膠散 治大人小兒吐血

阿膠 炒 蛤粉 各一兩 辰砂 少許

右爲末藕節搗汁和密調下食後服

龍腦雞蘇丸 治膈熱咳嗽或吐血衄血

方在火熱門

茯苓補心湯 治心虛爲邪氣所傷吐血

方在心痛門

藕節散 治吐衄不止

藕汁 生地黄汁 生密匙五 大薊汁各三合

右和勻每服一小鍾不拘時服

拔萃犀角地黄湯 治熱甚而血積胸中

生地黄三兩 黃芩 黃連各一兩 大黃五錢

每服一兩水二鍾煎一鍾食後服

雙荷散 治卒暴吐血

藕節七個 荷葉頂七個

搗碎入密用水二鍾煎八分去渣溫服或研末密調下

枇杷散 治暑毒攻心嘔吐鮮血

方在暑門

龍肝膏 治吐血不止

伏龍肝一兩 生地汁 麥冬汁 小蘗汁 藕汁各三

姜汁一合 入密半匙慢火熬成膏每服一匙

帶補之劑

奇方 治肺損嗽血吐血

生地四兩 鹿角膠一兩炒

右以地黃汁拌和每服三錢童便加姜汁少許調下

側栢散 治內損吐血下血或用酒大過勞傷於內其血

妄行出如湧泉口鼻皆流須臾不救則死矣

側栢葉一兩半 人參 荆芥穗燒灰存性

為末每服二錢麩一錢新汲水調如糊服

麥冬、飲子 治吐血久不愈者

五味子 十粒 麥門冬 黃芪 各一錢 當歸 人參

生地黃 各五分 水煎服

白朮散 治飲食過度負重傷胃吐血

白朮 人參 黃芪 炙 白茯苓 各二錢 炙甘草 一錢 山藥

百合 柴胡 前胡 各六錢 分作三帖每服加姜棗水煎

又方 治同上

理中湯加葛根

雞蘇散 治勞傷肺經吐紅咽喉不利

紫蘇葉 白茅花 黃芪 生地 阿膠 各二錢 麥門冬

桑白皮 桔梗 貝母 蒲黃 炒 甘草 加姜棗煎服

天門冬湯 治思慮傷心吐衄不止

天門冬 白芍藥 麥門冬 生地黃 遠志 藕節

黃芪 阿膠 沒藥 當歸 甘草 各一錢 人參 一錢

分作二服姜三片水煎服

蓮心散 治同上

蓮子心 粳米 各五粒 為末空心溫酒調服

歸脾湯 治思慮傷脾心多健忘其血妄行或吐或下

白朮 茯神 黃芪 炙 人參 酸棗仁 炒各二錢五分 木香 一錢

炙甘草 五分 買眼肉 五枚 姜一片棗一枚水煎服

赤茯苓湯 治大怒傷肝氣逆於中胸吐血衄血

赤茯苓 人參 桔梗 陳皮 各三錢 麥門冬 芍藥

檳榔 各一錢五分 分二服姜三片水煎服

丹溪方 治見血後脾胃弱精神少血不止者

人參錢一 黃芪錢二 五味子粒十三 芍藥 甘草 當歸藥

麥門冬各五分 加鬱金尤妙水煎服

又方 治同上

人參 白朮 茯苓 陳皮各一錢 甘草 川芎

半夏曲各五分 神曲 青皮各三分 水煎服

如胃不和加藿香 渴者加葛根五分 痰結塊者加

貝母錢一 黃芩 橘紅各五分 小便赤加黃栢五分

大便燥結加當歸七分 心煩加酒晒黃連五分 小便

滑加牡蠣 若見血多去半夏恐燥加生地錢一 牡丹

皮五分 莖仁三分 若胃中不足飲食少進加炒山梔仁

分五 若血溢入濁道留叙隔間滿則吐紅蘇子降氣

湯加人參阿膠各五分 上膈熱壅吐血者以四物湯

加荆芥阿膠各五分 更不止於本方中加大黃滑石各五分

分 胃傷吐血宜理中湯加川芎乾葛各五分 此是飲酒

傷胃也 吐血不止茜根為未用二錢待冷食後服

必勝散 治男婦血妄流溢或吐或咳或衄

小薊 人參 蒲黃 當歸 熟地 川芎

烏梅去核各一兩 每服六錢水煎服

大阿膠丸 治肺虛客熱咳嗽咽乾多唾涎沫或有鮮血

勞傷脾胃吐血嘔血並皆治之

方在後咳血門

止血之劑

白芨散 治吐血

白芨末并花水調服每服二錢

地黃飲 治衄血吐血

新生地搗煮日服數升三日愈

此方治經閉効甚

乾姜散 治吐血不止

姜炭爲末童便調服

治諸血上行用荳菜汁姜汁童便磨鬱金飲之其血自清

如無鬱金以山茶花代之

又方 用血餘灰

三錢

爲末冷水調下

治吐血咯血用藕節搗汁飲之

花蕊石散 治勞証五內崩損湧噴血出成升斗者服之

立止

花蕊石 煨 爲末童便一鍾煎溫調藥末三錢極甚者五

錢食遠服如男子病則和酒一半婦人病則和醋一半

與童便和調服之立止其疾 血化爲黃水服此藥後

獨心湯 補之

調氣止血之劑

芎附散 治衄吐血不歸經

川芎 二兩 香附 四兩 爲末每服二錢茶湯調下

綱目云治怒氣傷肝氣而嘔血以黃連香附青黛柴胡甘

草平其肝自愈宜服赤茯苓瀉心湯

大七氣湯入川芎煎調蘇合香丸

咳血 咳嗽有聲而痰內有血者是也或咳出純是血痰

丹溪云乃火升痰盛 身熱多是血虛四物湯加減用

丹溪云痰帶血絲出童便竹瀝止之 經血逆行或血醒

吐血唾血莖汁服立効 咯血用姜汁童便青黛入血

藥中加四物湯牛膝膏地黃膏之類

又方用莖汁童便二物加鬱金研細末合和服之其血消自

脉大發熱喉中痛者是氣虛用參芪密炙黃栢荆芥地黃

當歸莖汁童便姜汁磨鬱金飲之其血自消 此補兼解鬱也

統旨云嗽出痰內有血者名咳血又云嗽血其因有二熱

壅於肺者易治不過涼之而已久嗽損於肺者難治此已成勞也熱嗽有血宜金沸草散加阿膠痰盛加瓜萁仁貝母勞嗽有血宜補肺湯加阿膠白芨嗽血而氣急者加杏仁痰中帶血絲者此是陰虛火動勞傷肺臟宜滋陰補肺湯

又方

香附童便浸

北杏仁

童便浸去皮尖炒

山梔仁炒

青黛

海粉

瓜萁仁

訶子

馬兜鈴

爲細末入白礪砂少

許煉密少加姜汁爲丸噲化一丸白湯下

天一丸 此壯水之主以鎮陽元劑也與前方相兼服治

陰虛火動咳血等症甚効

懷地黃

牡丹皮

黃栢

童便浸晒乾

知母

童便浸晒乾

枸杞子

五味子 麥門冬 牛膝 白茯苓

為末煉密為丸梧子大空心白湯吞下八九十九

天門冬丸 潤肺止嗽 治咯血吐血咳血 方在嗽咳門

丹溪鹿黃丸 治酒色過度飢飽失時吐血咳血痰血 神効

枇杷葉 欵冬花 批紫苑 杏仁去皮尖 木通 鹿茸

炙桑白皮各一兩 大黃五錢 為末煉密為丸臨睡含化

七傷散 治血汚血鬱血熱勞嗽吐血血痰 丹溪方

黃藥子 白藥子各一兩 赤芍藥七錢五分 玄胡索 知母各

五錢 鬱金二錢半 當歸五錢 山藥 乳香 沒藥 血竭各二錢

為末每服二錢茶湯下

綱目云肺熱此方極有効本草云白藥子黃藥子治肺熱大有功一方紅花當歸煎湯調下

海藏甘桔加阿膠紫苑湯

治肺痿咳唾膿血

方見綱目傷寒咽痛門

羅太無大阿膠丸

治血虛嗽血吐血

阿膠

微炒

卷栢

生地

熟地

大薊

山藥

雞蘇葉

五味子

各一兩

栢子仁

另研

麥門冬

茯苓

百部

遠志

人參

防風

各五錢

為末煉密丸如彈子大煎小麥麥門冬湯嚼下一丸

綱目云保養精血純補劑也血虛有潮熱者宜之

劫勞散

治肺痿痰嗽痰中有紅線盜汗發熱過則冷飲

食減少

方在咳嗽門

陳日華云有一女子及笄病症甚危百藥不効偶得此只一料除根

羅太無五味黃芪散 治嗽咯血成勞眼痛四肢困倦脚膝無力

麥門冬 熟地黃 黃芪 桔梗各五錢 白芍藥 五味

子各二分 人參二錢 甘草一分 每服五錢水煎服一日三服

人參黃芪散 治虛勞客熱肌肉消瘦四肢倦怠五心煩

熱咽乾頰赤心冲潮熱盜汗減食咳嗽臟血

人參一兩 秦艽 茯苓各二兩 知母二錢五分 桔梗乙兩 桑白皮一兩

五錢 紫苑 柴胡各二兩 半夏洗一兩 黃芪三兩 鱉甲去裙

酥炙 二兩 每服五錢水煎服

人參蛤蚧散 治二三年間肺氣上喘咳嗽咯吐膿血滿

面生瘡遍身黃腫

蛤蚧一對全者河水浸五宿逐日換水洗去腥氣酥炙黃色 杏仁去皮尖 甘草三

人參 茯苓 貝母 知母 各三兩 桑白皮 二兩

為細末每日如茶點服神効

海藏云蛤蚧補肺勞虛嗽治久嗽不愈肺間積虛熱久則

成瘡故嗽出膿血曉夕不止喉中氣塞胸膈噎痛用蛤

蚧阿膠生犀角鹿角膠羚羊角各一兩除膠外皆為屑

次入膠分四服每服用河水三升於銀石器內慢火煮

至半升去渣臨卧微温細細呷之其渣候服盡再槌都

作一服以水三升煎至半升如前服病人久虛不喜水

當減水

蛤蚧係補中有通久嗽不愈者宜之

麥門冬湯

治傷寒後傷肺咳唾膿血胸脇脹滿上氣竄

瘦 麥門冬 桑白皮 生地黃 各一兩 紫苑 竹茹

半夏洗 桔梗炒 麻黃去根節各七錢五分 五味子 甘草各五錢

為粗末每服五七錢加棗三枚去核姜三片水煎服

羅太無續斷散 治骨蒸勞熱傳屍瘦病潮熱煩躁喘嗽

氣急身疼盜汗兼治咳嗽吐膿血

續斷 紫苑 桔梗 竹茹 五味子各三錢 生地 桑

白皮各五兩 甘草炙二兩 赤小荳半斤

每服五七錢入小麥五十粒水煎日三服

海藏紫苑湯 治咳嗽吐血虛勞症肺痿變癰

方在咳嗽門

本事方云治勞瘵吐血損肺及血妄行神傳膏用剪草一

斤婺台州皆有惟婺州者可用狀如茜草又如細辛每

用一斤淨洗爲末加入生密一斤和爲膏以器盛之不得犯鉄九蒸九晒日一蒸曝病人五更起向東坐不得語用匙挑藥如粥服每服四匙良久用稀粟米粥壓之藥冷服粥飲亦不可太熱或吐或下皆不妨如久病肺損咯血只一服愈尋常咳嗽血妄行每服一匙可也神驗

治肺經嘔咳諸血及痰中有血初生用蘿蔔汁半盞入鹽少許服之立効如無生蘿蔔用蘿蔔子一錢紫蘇葉一錢同煎服次用雞蘇散加阿膠治之本草云蘿蔔大下氣氣下則血亦下也

經驗方 治咳嗽甚者或有吐血

鮮桑白皮 一斤米汁浸三宿淨刮去上黃皮

右剉細入粳米四兩焙乾同搗爲末每服一二錢米

飲調下

本事方 治久嗽咯血成肺痰及吐白涎胸膈滿悶不食

扁荳散

扁荳

生姜

各五錢

枇杷葉

去毛

半夏

人參

白朮

各一分

白茅根

三分

右水三升煎一升去渣加檳榔末一

錢和勻分作四服不拘時候

千金方 治上氣咳嗽喘息喉中有物唾血

生姜汁

杏仁

各二升

糖

密

各一升

猪膏

二合

右五味先以猪膏煎杏仁色黃出之以紙拭令淨搗

如膏和姜汁密糖等合煎令可丸每服杏仁一枚日

夜服六七次漸次加增

欵花補肺湯

人參 麥門冬各一分 五味子錢一 欵冬花 紫苑

桑白皮炒各錢一 當歸錢五分 芍藥 知母 貝母 茯苓

橘紅各八分 甘草五分 水煎服

寧嗽湯

五味子粒十五 茯苓錢一 桑白皮錢二分 陳皮錢一 知母錢一

馬兜鈴錢五分 川芎錢一 麥門冬錢二分 粉草錢五分 水煎服

滋陰保肺湯

黃栢鹽水炒 知母 天門冬錢二分 當歸錢五分 芍藥 生地

橘紅 紫苑 桑白皮炒各八分 大粉草錢五分 阿膠錢一分 蛤粉炒二分

五味子粒十五 水煎服

咯血唾血痰涎血

咯血者喉中常有血腥一咯血卽出或鮮或紫者是也

又如細屑者亦是也治法四物入姜汁童便青黛之類
有咯出痰帶血絲者同治但宜加痰火藥

唾血者鮮血隨唾而出者是也二者皆出於腎亦有瘀血
內積肺氣壅遏不能下降用天門冬知母貝母桔梗黃
栢熟地遠志或加炮姜

生生子曰唾血症曾見二人口中津唾皆是紫黑血水如
猪血之色晦而不鮮刑瘦体熱盜汗爲有怫鬱所致如

此者年餘治以清痰降火開鬱等藥或止或發其一乃

姪婦也後因注舡大吐痰涎數椀其症再不復由是觀

之唾血亦有木鬱之症不可不知

痰涎血出於脾以葛根黃連黃芪芍藥當歸甘草沉香之類主之

丹溪曰咯血痰帶血絲出者用姜汁青黛童便竹瀝入血藥中用如四物湯加地黃膏牛膝膏之類

滑伯仁曰寒涼之溢水乃瀉火也溫熱之助火乃折水也衄血手陽明循手經上行入清氣道中咯血乃入於所合也所合肺也

又曰咯血爲病最重且難治者以肺手太陰之經氣多血少又肺者金象爲清肅之臟令爲火所制迫而上行以爲咯血逆之甚矣上氣見血下聞病音謂喘而咯血且

咳嗽也

唾血責在下焦陽火煎迫而為之也腎主唾為足少陰少血多氣故其証亦為難治

恩袍散 治咯血吐血唾血及煩躁咳嗽

生蒲黃 乾荷葉 茅根 各等分

為末每服三錢濃煎桑白皮湯食後溫服

丹溪方 治咯血

桑白皮 一錢五分 半夏 炒 知母 貝母 茯苓 各一錢 生地黃

陳皮 各一錢 阿膠 炒 甘草 杏仁 炒各五分 山梔子 桔梗 各七

分 柳桂 二分入此以治上焦 姜葱白水煎服

又方 治咯血衄血

白芍藥一兩犀角五分

各為末新汲水調服一錢血止為限

又方 治咯血

荷葉焙乾 為末米湯調下二錢

又方 治痰中血

白朮一錢五分 貝母 芍藥 桑白皮 菀仁各一錢 甘草三分

山梔炒黑一錢二分 牡丹皮一錢五分 水煎服

又方 治痰中血

橘紅一錢五分 半夏 茯苓 貝母 牡丹皮 桃仁各一錢

黃連 甘草 大青各五分 姜三片水煎服

又方 治痰中血

橘紅二錢 半夏 茯苓 白朮 枳壳 黃芩 桑白皮

各一錢 五味子十五粒 甘草三分 人參五分

或加青黛五分水煎服

地黃散 治一切吐血咯血能解一切毒及諸熱煩燥

茜草根四錢 大荳子 黃藥子 甘草各二兩 右爲末

每服二錢新汲水調下加入人參二兩治痰嗽有血

又方 治吐血熱渴

茅根一味絞汁飲之一日三服効

治虛勞久嗽咯血

五倍子炒爲末 每服一錢温茶調勻米飲送下

白芨散 治咯血

白芨兩 藕節五錢 爲細末每服一錢白湯調下神效

云白芨下咽直至血竅竅爲之填而血止也 鑿說云

治肺損咳血殊効

四血散 治衄血吐血便血

益元散加當歸并泉石 淋者加梔子莖中痛加蒲黃

水瀉加車前子 米湯調下

元戎方 治鼻血口血大小便血 服時隨病上下食前後服

丹參 蒲黃 紫蘇 滑石等分 爲末調服

鼻衄

陳無擇曰衄者因傷風寒暑濕流傳經絡涌泄於清氣道中而致者皆外所因積怒傷肝積憂傷肺煩思傷脾失

志傷腎暴喜傷心皆能動血隨氣上溢而致者皆內所
因飲酒過多啖炙燻辛熱或墜墮車馬傷損而致者皆
不內外因也

原病式曰衄者陽熱怫鬱于於陽明而上熱則血妄行而
鼻衄也

丹溪云衄與吐血同涼血行血爲主犀角地黃湯加鬱金
又曰衄血出於肺以犀角升麻梔子黃芩芍藥生地黃紫
苑丹參阿膠之類主之

愚謂言肺者以竅言也言陽明者以血海言也其治亦多相須

戴元禮曰鼻通於腦血上溢於腦所以從鼻而出治宜茅

花湯調止衄散服之 有頭風自衄頭風纒發則血不

止治頭風兼止衄之劑 有因虛致衄者此爲下虛上

熱不宜過用涼劑宜四物湯加參芪沉香磨服 傷濕

而衄腎著湯加川芎 伏暑而衄茅花湯調五苓散

上膈極熱而衄犀角地黃湯加黃芩茅花荆芥虛者茯

苓補心湯 飲酒過多而衄茅花湯加川芎乾葛 病

衄愈後血因舊路一月或三四衄又有洗面而衄日以

爲常四物湯加阿膠蒲黃仍佐以蘇子降氣湯使

血隨氣下

統旨謂風行水動氣行血流治衄者則知血藥以治衄而

不知氣降則血歸經古人所以血藥中必加氣藥一二

味如上所謂蘇子降氣湯之類是也前人謂身熱則死

寒則生亦是大概言之耳豈無熱生而寒死者乎必著

詳脉症而後可也

治風寒之劑

桂枝湯 方見傷寒

治熱之劑

犀角地黄湯 方見吐血門

茜根散 治鼻衄不止

茜根

阿膠

蛤粉炒

黃芩

側柏葉

生地

各一兩

甘草

五錢

加姜三片水煎服

黃芩芍藥湯 治鼻血不止

黃芩

芍藥

甘草

水煎服

川芎三黃散

直指方

治實熱衄血

大黃

濕紙煨

川芎

黃連

黃芩

各等分

右爲末每服二錢井水調下食後服

黃連散 方經驗 治大人小兒盛熱秉於血血隨熱氣散溢於

鼻謂之鼻衄凡血得寒則凝澁結聚得熱則流散忘行

黃連 黃芩 栝葉 甘草 各等分 豆豉 三十粒

右每服一兩水煎服

治血衄血汗以人中白新瓦上焙乾爲末入射香少許酒

調下

生地黄湯 治榮中有熱及肺壅鼻衄生瘡一切丹毒 等疾

生地 赤芍 當歸 川芎 各等分 水煎食後溫服

若鼻衄加蒲黃生瘡加黃芩丹毒加防風

濟生麥冬飲 治衄血不止

麥門冬 生地黄 各等分 每服一兩水煎服

一方 治鼻衄及酒疸黃沙淋

萱草根搗汁一鍾生姜汁相和時時細呷

貫眾散 治鼻衄

貫眾根 為細末水調一錢立止

羅太無寸金散 治鼻衄不止

黃藥子 五錢 土馬毯 五錢有足者 生甘草 一錢

右為細末每服二錢新水調下未止再服立差 本草云土

馬毯即苔與垣衣之類垣衣生墻垣之側土馬毯生墻垣之上背陰古墻上有

一方 治衄血

蚌竹末米糊調下二錢効

芋花湯 治衄

芋花一大握剉水煎飲之立止

清熱帶補之劑

生地黃散 治咯血衄血吐血諸血証皆治之

枸杞子 柴胡 黃連 地骨皮 天門冬 白芍藥

甘草 黃芩 生地黃 熟地黃 各等分水煎服

治便血加地榆

海藏龍腦雞蘇丸 治上焦熱除煩解勞去肺熱咳衄血

熱驚悸脾胃口疳吐血肝膽熱泣出口苦腎熱神志不

定上而酒毒隔熱消渴下而血滯五淋血崩等疾

薄荷 一斤 麥門冬 去心 阿膠 炒 黃芪 蒲黃 炒 人參 已上俱淨藥

木通

銀柴胡

各二兩對同木通浸一宿絞出汁

生地黄

六兩

甘草

一兩五錢

黃連

一兩

右爲細末好密二斤先煎一二沸然後下生地黄末

不住手攪勻加木通柴胡汁浸熬成膏勿冷火緊焦

了然後加前藥末和丸如豌豆大每服二十九丸白湯

下

虛勞虛煩梔子湯下

肺熱黃芩湯下

心熱

驚悸恍惚人參湯下

咯唾吐衄麥門冬湯下

肝

熱防風湯下

腎熱黃柏湯下

治五淋及婦人漏

下車前子湯下

痰嗽者牛羌湯吞下

莖中痛蒲

黃滑石水一鍾調下

氣逆者橘皮湯下

室女虛

勞寒熱潮作柴胡人參湯下

地黃飲 治衄血往來久不愈者甚効

生地黃 熟地黃 枸杞子 地骨皮 各等分

右為末每服二錢密湯調下日三服

補虛之劑

止衄散

黃芪 六錢 赤茯苓 白芍藥 當歸 生地 阿膠 炒各三錢

為末以黃芪湯調下三錢

產後鼻衄

大全云產後口鼻黑氣起及鼻衄者名胃絕此証不可治
遇有此者急取緋線一條并產婦頂心髮兩條緊繫中
指節即止

治產後鼻衄中風以荆芥爲末童便調下氣虛者不可用

齒衄又名牙宣

統旨云血從齒縫中或齒根出者謂之齒衄有風壅有腎虛風壅者消風散外以祛風察牙散腎虛者以腎主骨齒者骨之餘虛火上炎服涼藥而愈甚此屬腎經下虛而上盛宜鹽湯下安腎丸間服黑錫丹仍用青鹽炒香附黑爲末擦之亦有胃熱而牙斷出血者宜清其熱清胃散主之

附方

肘後方 治齒血不止

苦竹茹以醋浸一宿含之

千金方 治同

礬石一兩滾湯三升煮取一升先拭齒乃含之

又方 濃煎竹葉湯入鹽少許含之

衍義方 治齒縫出血不止

用紙摵蘸蟾蘇少許插入出血處立止

靈苑方 治虛氣攻牙齒痛血出牙齦痒痛

骨碎補二兩細剉炒黑色爲末擦之早晨漱久吐出臨
睡擦畢俟津液滿口嚥之

丹溪治陰虛牙出鮮血氣鬱

四物湯加香附牛膝生甘草側柏葉服

羅太無治牙痛腫痒動搖牙斷宣露出血口氣等疾

當歸 藁本 地骨皮 防風 白芷 槐花 川芎

甘草

升麻

北細辛

各等分

為末擦痛處甚者取三錢水鍾半黑荳半合生姜三片煎至一鍾乘熱漱之冷則吐出

本事方 治一切牙疼風熱斷常出鮮血以至崩落口臭

不可近人者宜服之

大黃

米泔浸軟切片

生地黄

大者簿切

右二味旋切各用一二片合定貼所患牙上一夜即

愈未全可再如前用忌說話恐引風毒津液漬患處

舌衄

舌上或出血如簪孔者香薷汁服一升日三服

又方 髮灰二錢米醋調敷舌上血出處

文蛤散 治熱壅舌上出血如泉

五倍子 洗 白膠香 牡蠣粉 各等分

右為末每用少許搽患處或燒熱鉄熨孔上

槐花散 治舌上無故出血如線

槐花 炒 為末搽之仍用麥冬煎湯調下妙香散

妙香散 方在婦人門 第二卷夢與鬼交條下

肌衄 一名血汗

河間定命散 治膽受熱熱血妄行鼻中衄衄并血汗 不止

硃砂 寒水石 麝香 為末每用五分新汲水調

下不拘時候看老幼虛實加減

肌衄者血從毛孔而出前人多主於肺熱

古方以男胎髮燒灰撲之

大全竹茹湯

方見便血條

黃芪建中湯

辰砂妙香散

小便血

尿血不痛痛者乃血淋也當與淋門參治

經云胞移熱於膀胱則癢溺血

仲景曰熱在下焦則尿血亦令淋悶不通

玄珠經云小便出血是心伏熱在於小腸宜鏡面竹自然

汁加生密一匙服之或以八正散加麥門冬葱煎服如

小便澹痛以海金沙細末調治之

綱目云胞絡絕則洩血故經曰悲哀太甚則胞絡絕胞絡

絕則陽氣內動發則心下崩數洩血也

凡咳而瘦血脫形其脉小勁是逆也

凡淋不可發汗汗之必便血便血不止用柿一箇燒存性
為末米湯調下

統旨云属熱属血虛有因心腎氣結所致或憂勞房室過
度此得之虛寒不可專以血為熱而淖二者皆致溺血

熱用小薊湯四物湯煎服効虛用四物湯調牛膝膏火

動榮血妄行者再加黃柏知母虛寒者十全大湯加炒黃

滑栢仁曰小便血足太陽隨經入膀胱也與小腸血同

附方

治房失勞傷小便出血

山藥一兩鹿角五錢髮灰二錢為末苧根搗汁打糊為丸梧

子大每服五十九丸空心食前白湯吞下

治大小便出血不止

劉寄奴爲末茶青調服立止

治尿後有乾血 乾柿餅三枚燒灰陳米湯調服

羅太無髮灰散 治小便尿血

髮灰

本草云髮灰能消瘀血通閉格利水道破癩疽血鱗丹溪云髮補陰甚捷

右一味每用一二錢以米醋二合湯少許服并花水

調亦可

一法茅草根車前子煎湯調下尤妙兼治肺疽心鱗內崩

吐血一兩口或舌上出血如針孔若鼻鱗吹內立已

葛氏方 治小便出血

當歸兩酒三升煎一升頓服

肘後方 治尿血

芋蕪根十根水五升煎取二升一服効

外臺秘要 治尿血

車前草汁五合空心服茅草根汁亦妙或加酒少許冲服

小薊飲子 治焦結熱尿血成淋

生地兩小薊根 滑石 通草 山梔仁 當歸酒洗

淡竹葉 藕節 蒲黃炒 甘草各五錢

右每服一兩水煎空心服

丹溪云尿血有實熱者可用當歸承氣湯後以四物湯加

山梔當歸承氣湯即調胃承氣湯加當歸是也

又方 治溺血屬熱 山梔炒 水煎服

或用小蘗琥珀 血虛者四物湯加牛膝膏

又方 治血淋

木通 甘草梢 蘘麥 山梔 水煎服

濟生鹿角膠丸 治房室勞傷小便尿血

鹿角膠五錢 沒藥另研 油頭髮灰各三錢 右為末用茅

根湯打糊為丸如梧桐子大每五十九粒鹽湯送下

玉屑膏 治氣虛尿血并五淋砂石疼痛不可忍黃芪

人參各等分 為末用大蘿蔔切一指厚三四片密淹少時

蘸蜜炙乾復蘸復炙盡蜜二兩為度勿令焦至熟蘸

黃芪人參末吃不時仍以鹽湯送下

又方 治老人小兒尿血不止

川升麻一兩半作一帖水煎服妙

又方 治虛而尿血

阿膠三兩炙搗為末酒二升和溫服

當歸散 治婦人小便出血或時尿血

當歸

羚羊角

赤芍藥

各五錢

生地黃

一兩

大薊葉

七錢半

分作三帖水煎食前服

六味地黃丸 治老人尿血及陰虛尿血

玄胡散 治尿血作痛

玄胡索

一兩 朴硝三分

水煎服

五倍湯 治尿血不止

五倍子煎湯露一宿次早取上面青者溫服

龍骨散 治尿血

龍骨末

一錢五分

水調服日三服

此二方皆收澁之劑

治溺血血淋方

小薊根

琥珀

一二味為末水煎服蓋二味能治下焦熱結

琥珀散

治五淋澁痛小便膿血

琥珀

海金沙

沒藥

蒲黃

各一兩

為極細末每服三錢食前煎萱草湯調下

治血淋及小便閉方

杜牛膝根

二兩

朴硝

一兩

用雪水

二碗

煎牛膝至

一碗

去渣

入朴硝攪勻空心服

治小便出血莖痛不可忍

淡豆豉一撮 煎湯温服之甚効

治血淋方

牛膝一兩 黃栢 知母 澤瀉各一兩 麥門冬 天門冬

山梔仁各一兩半 生地黃二兩

爲末粥糊丸如梧桐子大每空心白湯吞下八九十九

又方 治同上

人參 白朮 川歸 熟地 川芎 山查

茯苓各八分 黃芪七分 升麻三分 水煎服

又方 治同上

牡丹皮 當歸 生地 山梔子 白芍 甘草梢

滑石 澤瀉 白茯苓 木通

各等分

每服五七錢加生姜皮二分燈心一分水煎食前服

下血

素問云結陰者便血一升再結二升三結三升駱龍吉云
結陰之病陰氣內結不得外行血無所稟滲入腸間故
便血也其脉虛澁因血結不行故下

本事方云如下清血鮮色者腸風也血濁而色黯者臟毒
也肛門射血如線者虫痔也

仲景云下血先便後血者此遠血也黃土湯主之先血後
便者此近血也赤小豆當歸散主之

潔古云 治血下防風爲上使黃連爲中使地榆爲下使

若血瘀色紫者陳血也加熟地黃 若血鮮色紅者

新血也加生地黃 若寒熱者加柴胡 若肌熱者加

地骨皮 若脉洪實者加酒浸大黃

生生子曰便血有虛有濕有熱有寒有食積有酒積有風
入大腸治之之法切不可純以寒涼損壞脾胃脾虛尤
不能約束其血也故丹溪戒人凡用血藥不可單行單
止不可純用寒涼必於寒涼中加辛味爲佐久不愈者
復用溫藥必兼升舉藥中加酒炒酒煮涼藥如酒煮黃
連之類

丹溪曰暈風獨在胃與大腸出治用黃芩秦艽槐角青黛
升麻 定腸風痛用蒼朮滑石當歸生地黃芩甘草

下血屬虛者當溫散之四物湯加乾姜升麻 便血過

多者四物湯加蝟皮 有熱者四物湯加山梔升麻秦

芫阿膠 有兼風者蒼朮秦芫芍藥香附

胃清血非
藍實不除

玄珠經云大便下血曰腸風切勿止澁究其本末症狀先
清其表後攻其裏其血自止如脉洪大又當以四物合
解毒湯調理

熱則流通虛則下溜故便血屬熱屬虛亦有風傷肝而下

陷及濕盛而傷血者

熱而下血或清或濁宜四物湯

加黃芩山梔炒槐花秦芫膠珠虛者四物加乾姜升麻

涼藥隨虛實加減

風傷胃獨下清血者宜四物湯加

防風升麻荆芥柴胡升提之

濕入腸胃下如豆汁色

者宜多四物加蒼朮白朮黃連黃柏地榆槐花陰虛下血無熱者十全大補湯加止血之劑

統旨云便血或清或濁或鮮或黑或在便前或在便後或與泄物並下此由內外有所感傷凝停在胃隨氣下通亦是妄行之意便血清者屬榮虛有熱濁屬熱與濕色鮮者屬火黑者火極先血後糞爲近先糞後血爲遠與泄物並下者屬有積在內或絡脉傷也並宜分治又當別其色而分寒熱也色鮮多因腸胃蘊熱必是飲酒過多辛熱磚炙之故也宜連蒲散或黃連阿膠湯色瘀或因寒邪凝滯血逐冷氣入客腸胃宜理中湯加膠珠炒黑香附其應甚捷大抵下血後必以胃藥收功胃氣回

血自循其經絡矣

伏暑純下鮮血黃連香薷飲治之

方見傷暑門

風熱流入大腸經下血不止敗毒散治之

方見傷風門

風濕乘虛入於腸胃下清血或下瘀血

胃風湯治之

滑伯仁曰大便前後下血便前由手陽明隨經下行滲入

大腸傳於廣腸而下也便後由足陽明隨經入胃滯溢

而下者也古人謂近血遠血者是也又有所謂腸風臟

毒者腸風則足陽明積熱久而為風風以動之也臟毒

則足太陰積熱久而生濕從而下流也風則陽受之濕

則陰受之

和中去濕之劑

黃垣升麻補胃湯

治宿有腸血症因五月大熱吃杏腸

癖下血遠三四尺散漫如篩腰沉沉然腹中不痛血色

紫黑病名濕毒腸癖是陽明少陽經血症

升麻 柴胡 防風各一錢半 姜活一錢 當歸身 葛根各三錢

獨活 白芍 生地 丹皮 熟地 甘草炙各五分

黃芪一錢 肉桂少許 水煎食前服

和中益胃湯 治太陰陽明腹痛大便常澀泄設不泄即

秘結在後傳為濕熱毒下鮮紅血腹中微痛脇下急縮

脈緩而洪弦中指下得之按之空虛

熟地三錢 歸身酒洗 甘草炙 益智各三分 升麻 柴胡各五分

蘇木一分 藁本二分 水煎食前服

升陽除濕和血湯 治腸澼下血另作一派其血溼出有

力而遠射四散如篩下春二月中旬日下二行腹中大

作痛乃陽明氣冲熱毒所作也當升陽去濕熱和血脉

不兩服而愈 生地 丹皮 甘草生炙各五分 白芍一錢半

熟地 黃芪各一錢 升麻七分 歸身 蒼朮 秦艽各三分

肉桂 陳皮各二分 水煎食前服

當歸和血散 治腸澼下血濕毒下血

槐花 青皮 荆芥 熟地 白朮各六分 當歸

升麻各一錢 川芎四分 爲末食前米飲調下

椿皮丸本事方 臭椿皮十四兩 蒼朮各二分 枳殼兩

爲末醋糊丸梧子大空心食前米飲下三四十九

玉屑丸 治腸風瀉血久不止者

槐根白皮去粗皮各三兩 苦練根去皮各三兩 椿根白皮四兩三月後二月

前採天南星 半夏各五錢並生用 葳靈仙乙兩 寒食面三兩

右末滴水丸梧子大每服三十九丸以水一鍾前沸下

丸子煮令浮以匙抄起温温送下不要嚼空心食前

服有人下血幾盈盆頓爾疲萎諸藥不効許學士以

此治之良愈

槐花飲 治腸風有濕脹滿下血

蒼朮 厚朴 陳皮 當歸 枳殼各一兩 槐花二兩

甘草 烏梅各五錢 每服一兩水煎空心服

治下血方

椿根白皮去粗皮 枯白礬一兩 甘草 滑石等分 血竭五錢

人參三錢 黃蓮二錢 共為末米飲下

治寒之劑

烏荆丸 治腸風

川烏頭一兩泡去皮尖 荆芥穗二兩

為末醋丸桐子大每服二十九酒送下白湯亦可下

病發時日進三服不發時日進一服

黃土湯 治先便後血名遠血

粉草 白朮 熟地 附子泡 阿膠 黃芩已上各三兩

灶中土半升 右七味以水八升煮取三升分作三服

赤豆當歸散 治先血後便名近血

赤小荳五兩浸令芽出晒乾當歸一為末白湯調下二錢日三

服 梅師云治熱毒下血或因食熱物發動以赤小

荳杵末水調下方寸七

又方 治腸風 赤小荳炒黑為末每服二錢米飲調下

由此觀之赤小荳寒熱皆能治也

益智和中湯 治腸澼下血紅或深紫黑色腹中疼腹皮

惡寒右三部脉中指下得之俱弦按之無力關脉甚緊

肌表陽明分涼腹皮熱而喜熱物熨之內寒明矣

升麻 甘草炙 歸身 黃芪各一錢 葛根 益智 半夏

丹皮 柴胡 白芍錢半 肉桂 乾姜少許 水煎食後服

羅太無治真定捻管因免強飲酸酒得腹痛次傳泄瀉十

餘日便後見血或立或紫腸鳴腹痛醫以諸見血皆熱
治以芍藥栝皮湯之類前証如故仍不欲飲食食則嘔
酸刑体愈瘦面青黃不澤心下痞惡冷物口乾時有煩
躁不得安卧請予治之診得脉弦細而微遲手足梢冷
內經曰結陰便血一升再結二升三結三升又曰邪至
五臟則陰脉不和陰脉不和則血留之結陰者病陰氣
內結不得外行血無所稟滲入腸間故便血也以平胃

地榆湯主之 蒼朮一錢 厚朴 陳皮 茯苓 白朮

乾葛 甘草炙各五分 乾姜 當歸 炒麴 白芍 人參

益智仁各三分 地榆七分 升麻 黑附子炮各一錢

生姜三片棗二枚水煎食前温服

此藥溫中散寒除濕利胃數病服減大半又炙中脘
二七壯引胃氣上升次炙氣海百壯生發元氣以還
少丹服之以長肌肉至春再炙三里三七壯治脾壯
胃生發元氣次服芳香之劑慎言語節飲食而安

王海藏云治楊師醉醒發大渴飲水三大盞又飲冷茶三
碗後病便鮮血四次得一盆先與吳茱萸丸次日又與
平胃五苓各半散三大服血止後自利又與神應丸四
服自利乃止或問曰何不用黃連之類以解毒予曰若
用寒藥其疾大變難治寒飲內傷復用寒藥非其治也
況血爲寒所凝入大腸間而便下血溫之乃所以得熱則自止

楊氏飲冷酒瀉血對金散止之亦是理中脘分別陰陽安

定血脉之意也 唐生病因飲酪水及食生物下利紫
黑血十餘行脾胃受寒濕與六神平胃散半兩加白朮
三錢以利腰臍間血一服愈

胃風湯 治大人小兒風冷乘虛人客腸胃水穀不化泄

瀉注下入腸胃濕毒下如豆汁或下瘀血日夜無度

人參 茯苓 川芎 官桂 白朮 當歸 芍藥 各

分 每服五六錢加粟米百粒同煎稍熱服若加熟地黃

芪甘草 等分 名十補湯 若虛勞嗽加五味子 有痰

加半夏 發熱加柴胡 有汗加牡蠣 虛寒加附

子 寒甚加乾姜皆依本方等分 骨蒸發熱飲食

自若者用十補湯加柴胡一兩 氣弱加人參小便

不利加茯苓

脉弦澁加川芎

惡風加官桂

脉

澁加當歸

腹痛加白芍

胃熱濕盛加白朮

草豆蔻散

治丈夫傷血婦人血崩瀆人大腸出血

草豆蔻

檳榔

各炒紫色

鶯粟殼

燒灰

等分爲末每服二錢米飲下

濟生剪紅丸

治臟腑虛寒下血不止面色痿黃日久羸

瘦

側柏葉

炒黃

鹿茸

火去毛酥炙

附子

炮去皮臍

川續斷

酒浸

黃芪

阿膠

蛤粉炒

白礬

枯五錢

當歸

酒浸各一兩

爲末醋煮米

糊爲丸如桐子大每服七十九空心米飲下

羅太無結陰丹

寒濕下血者爲結陰治腸風下血臟毒

下血諸大血疾

枳壳麩炒 葳靈仙 黃芪 橘紅 椿根白皮 何首

烏 荆芥穗各五錢 為末酒糊九桐子大每服七十九

陳米飲入醋少許煎過少冷送下

血熱之劑

黃連湯 治大便後下血腹中不疼謂之濕毒下血

黃連 當歸各五錢 甘草炙錢五分 水煎食前服

聚金丸 治腸胃積熱或酒毒大便下血腹中熱痛煩渴

脉弦數

黃連四兩四製生乙兩酒炒乙兩 黃芩乙兩 防風乙兩 右

為末糊九桐子大每服五十九米泔浸枳壳水下

保命集芍藥黃連湯 治大便後下血復中痛謂之熱毒下血

芍藥 黃連 當歸各五錢 淡桂五分 甘草錢 二 大黃

右每服一兩水煎服 如痛甚者加木香檳榔末各

一錢調下

拔萃涼血地黃湯 如飲食不節起居不時陰受之陰受

之則入五臟入五臟則填滿閉塞下為殮泄久為腸澼

水谷與血另作一派啣出也時令值夏濕熱太盛正當

客氣勝而主氣弱也故腸澼之証甚此湯主之

熟地 當歸 青皮 槐花炒各五分 知母炒 黃柏炒各錢

水煎服 如臍下悶小便澁或大便後重調木香檳

榔末各五分稍熱空心服如裏急後重又不去者宜

下之如有傳變隨症加減治之

一方 槐花 荆芥穗各等分 爲末酒調下一錢半空心仍

食猪血妙

連蒲散 黃連 蒲黃炒各一錢二分 黃芩 當歸 生地黃

枳壳麸皮炒 槐角 芍藥 川芎各一錢 甘草五分

如酒毒加青皮乾葛去枳壳 濕毒加蒼朮白朮

水二鍾煎一鍾食前服

槐角丸 治五種腸風下血痔漏脫肛

槐角三兩 地榆 黃芩 當歸 防風 枳壳麸炒各二兩

右爲末酒糊丸桐子大每服七十九空心米飲下

大臟丸 治腸風下血及痔疾神効

黃連半斤去蘆爲末入肥大腸臟頭一段內前後用線縛定蒸爛爲度

搗爲丸桐子大每服百丸空心米飲下

秘方栢葉散 治便血甚効

扁栢葉晒乾爲末糯米炒黃爲末等分每服五錢空心白湯調下如

未止再加炒黑木耳末一錢

又方 治臟毒不止

當歸 枳壳 側栢葉 槐角 百草霜 芍藥各一兩

右共一處炒令烟微起爲度研末每服二錢空心温

酒調下日午米湯下甚妙

又方 治積血便

蒼朮 陳皮各二錢五分 黃栢 黃芩各七錢五分 連喬五分

右爲末以生地黄膏六兩爲丸桐子大空心及食前

白湯下七八十九

丹溪方

治脉緩大口渴便血及婦人月水紫色勞挾

濕熱

白朮

錢五

地黃

黃栢

炒

白芍藥

各三錢

地榆

香附

各二錢

黃芩

錢一

爲末餗餅爲丸

又方 治便血久久傷血并麻風症癩瘡見面者

龜板

二兩

升麻

香附

各五錢

白芍

兩半

側栢葉

一兩

椿根皮

七錢

五分 爲末粥丸桐子大以四物湯加白朮黃連甘草陳皮

煎湯下

槐花散

治腸風臟毒

槐花

炒

側栢葉

焙

荆芥

枳壳

炒等分

俱爲末

每服二錢米飲下空心食前服

又方 治下血

槐花炒 枳壳炒 地榆蜜炒各三錢

水煎露一宿頓溫服之立愈

栝黃丸 治腸風臟毒下血鮮紅

生地黃 黃栢炒各一斤 爲末煉蜜丸桐子大每空心食前

米飲下八九十九

枳壳散 治諸便血

枳壳麩炒黃色十兩 甘草炙三錢

爲末每服一錢空心米飲調下酒煮黃連丸

酒煮黃連丸

黃連去蘆十兩 好酒五升 煮黃連以酒乾爲度焙乾

爲末麴糊丸桐子大每服三十丸空心服

加減四物湯 治腸風下血

側栢葉

生地

川歸

川芎

各八兩

枳殼

槐花

炒

荆芥

甘草

炙各四分

条芩

各六分

防風

六分

加烏梅一箇姜三片水煎服

參栢丸

治腸風下血

苦參

黃栢

等分

爲末酒打米糊丸空心酒吞百丸

補虛之劑

竹茹湯

治婦人汗血吐血尿血下血

竹茹

熟地

各二兩

人參

白芍

桔梗

川芎

當歸

甘草炙桂心各一兩 每服一兩水煎食遠服

參苓白朮散 治脾氣虛不能約束其血或為寒涼藥傷以致飲食少進面色痿黃

補中益氣湯加阿膠蒲黃 治清氣下陷中氣不足下血不止

十全大補湯 理中湯 胃風湯

雜方

固榮散 治吐血便血

白芷五錢 蒲黃炒 地榆各一兩 甘草一錢五分

右為末每服二錢溫酒調服壯氣者加石羔一兩

一方 治糞後下血不止

艾葉汁 生姜汁 各二合和服

一方 治中毒下血

蠟蜋皮炒成珠 為末每服二錢水調下日三服

烏梅丸 治便血下血

烏梅三兩燒存性 為末醋糊丸桐子大空心米飲下七十九

一方 治便血

白芷 五倍子 為末粥丸桐子大每服五十九米湯下

靈苑方 治腸風下血久不止

茱萸煨存性 每服三錢食前米飲下

丹溪云茱萸燒存性山枝炒等分為末九之米飲吞下百九効

本事方 治腸風

絲瓜燒存性 空心酒調下二錢

五槐丸 治臟毒

五倍子 槐花陳者百藥煎好者各等分為末酒糊丸桐子大

每服廿丸空心米湯下日三服

又方 治腸風臟毒酒利下血

黃連 生姜 二味煎湯下二氣丸 次服五槐丸

又方 金星草五兩味苦寒大解丹石毒陳乾姜

右為末空心新汲水調下一錢

蒜連丸 治臟毒

黃連為末以大蒜煨熟去衣研和丸桐子大每服五十

丸陳米飲下 蒜能清血

東垣烏梅丸 治腸風下血

真姜蚕 烏梅肉 各乙兩 焙乾 為末糊丸雞頭子大每服百

丸白湯吞下日三服

一方 治腸風下血 馬鞭草搗自然汁服良

一方 治腸風下血及血崩 丹溪云亦治汚血

五靈脂 炒去火 為末 每服二錢

二麴散 治酒積下血不止糞後見諸藥不効者神麴 兩半

白酒藥 二俱為末 清水調捏成餅子慢火上炙黃為末

每服二錢白湯下亦治泄瀉神効

丹溪方 治腸澼

陳年棕櫚燒存性百藥煎為丸服

又方 治臟毒便血

生藕節切片清晨蘸平胃散嚼下

治腸痔大便常血

葱白

三五斤煎湯

盆中坐浸之瘥

又灸法

平直量骨脊與臍中處推上灸七壯或年深者

更於椎骨兩傍各一寸灸七壯除根

治腸風下血

椿根皮

好酒濃煎服即愈

治下血不止

木賊

二兩作二帖水煎空心服如人行五里再服

九竅出血

耳目口鼻大小便皆出血者是也

黃金散治九竅出血

牛黃

鬱金

等分為末

血餘散

治血淋兼治內崩吐血舌血小便出血

亂髮

皂角水洗淨晒乾燒灰為末

每服二錢以茅草根車前草煎湯

本草謂髮灰消瘀血通關格利水道破癥瘕血衄
下有人生血瘤大如栗常破衣擦破則血出不止血
餘灰敷之愈一人刀傷血流
不止用胎髮灰敷之立愈

孫真人治九竅出血用黃荊葉搗汁酒和服之

丹溪治九竅出血以大薊

一握搗汁以酒和服之如無生者以乾者為末冷水調下三錢

一方龍骨末酒煎通口服

中蠱下血

綱目云唾水沉者心腹絞痛下血如爛肉者為蠱

千金方治中蠱下血如雞肝出其餘四臟俱壞惟心未毀

或鼻破待死取馬藷根末水服方寸七隨吐即出極神

此苗葛蔓緣紫生子似橘

梅師方治卒中蠱毒下血如雞肝晝夜不絕臍腑敗壞待

死用白蓼荷葉密置病人卧席下勿令病人知覺白呼
蠱主姓名

百一選方治中蠱毒或吐血下血如爛肝者取蚯蚓十四
條以苦酒三升漬之蚓死但服其汁已將死者皆可治
千金翼 治蠱毒下血蝟毛燒末服方寸七當吐蠱毒
肘後方 治中蠱吐血下血皆如爛肝者

苦瓠一枚水二升煮取一升服之吐即愈

又方 用苦酒一升煮苦瓠令消服之神効

金瘡出血

軍中方 治金瘡出血不止

半夏生用爲末摻之緊札立止

又方 風化石灰五月端陽日取芋葉搗汁拌勻做成大餅子陰乾每用研極細末罨上立止

桃花散 治金瘡出血及杖瘡

風化石灰一斤將軍末子四兩先將灰炒漸投將軍末子候看灰如桃花色即止每用少許敷之血立止杖丹以調

做膏藥貼之

一方 胎髮灰傳之立止 三七末罨上立止

血竭細末傳之立止

一子隋車血滯於中

大黃 川歸各等分每服一兩水煎服或五錢

血蠶湯

桃仁 香附 撫芎 紅花 青黛 等分

右糊丸桐子大每服白湯下四五十九